

# Ленинэнь киява

ВЛКСМ-нь Мокшэрзянь обкомонтъ ды Саранскоень ошонь комитетэнь газетаст

ИЮНЕНЬ

3 чи,

1937 №

№ 62 (736)

ЛКСМ 7-й ст.

## Комсомольской органтнэнь кочкамот организовадонть

### ВЛКСМ-нь весе организациятненень

1. Комсомольской органтнэнь кочкамот ютавтомсто эряви педепев теёмс ВЛКСМ-нь ЦК-нь III-це пленумонтъ истямо решениянзо коряс: „Комсомольской органтнэнь кочкамот а меремс ютавтнеме спискасo голосования. Голосованиянть ютавтнеме эрва башка кандидатуранть коряс, комсомолецтнэненъ максомс кандидаттнэнь отводонъ ды сынст критиковамонъ атак киртя права.

Комсомольской органтнэнь кочкамото первичной организациянъ комитетэнь кочкамотонзо сазь ды ВЛКСМ-нь ЦК-нтъ кочкамотнес пачкодэз, аравтомс закрытой (тайной) голосования.

2. Закрытой (тайной) голосованиясо кочкавить:

а) цеховой, сменной, участковой, факультетской комсомольской организациятнэнь группортнэ, бюронъ члентнэ ды комсортнэ, первичной комсомольской организациятнэнь комитеттнэнь члентнэ ды секретартне (тосо, косо арась комитетт), пленумтнэнь члентнэ ды ревкомиссиятнэнь, райкомтнэнь, ошонъ комитеттнэнь, окружкомтнэнь, обкомтнэнь, крайкомтнэнь, нацреспубликанъ КСМ-нь ЦК-нь члентнэ;

б) цеховой, сменной, участковой, факультетской комсомольской организациятнэнь бюронъ секретартне кочкавить бюронъ заседаниятнес; первичной комсомольской организациятнэнь комитеттнэнь секретартне, райкомтнэнь, ошонъ комитеттнэнь, окружкомтнэнь, обкомтнэнь, крайкомтнэнь, нацреспубликатнэнь КСМ-нь ЦК-тнэнь секретартне ды бюронъ члентнэ (кочкавить соответствующей комитеттнэнь пленумтнэс);

в) первичной комсомольской организациятнэнь пельде делегатт районной ды ошонъ комсомольской конференциятнес ды районной, ошонъ ды окружной комсомольской конференциятнэнь пельде делегатт комсомолонъ областной, краевой конференциятнес ды республиканской с'ездтнэс.

3. Кочкамотнэнь ютавтомдонть икеле комсомольской промксось эли конференциясь открытой голосованиясо аравты, зяро члент ды кандидатт кочкамс комсомольской органтнэс.

Первичной организациятнэнь комитеттнэнь составонть аравты промксось 11 ломанде аволь седе ламо.

4. Комсомольской органонтъ од составс кандидатуратнэнь макснить комсомолецтнэ ды персонал но толковать тоско жо комсомольской промксонтъ эли конференциясонть (комсомольской комитетэнь членке ды кандидатоке башка-башка).

А меремс икеле списканъ тейнемадо ды сынст толковамо, конференциянть (промксонтъ) пленарной заседаниядонзо башка.

Комсомольской органонтъ составс максозь весе кандидатуратнэнь толковамось ветяви истямо порядкасo, кодамосо сынъ ульнесть сермадозь ВЛКСМ-нь конфе-

ренциянть эли комсомольской промксонтъ президиумс сынст поступлениянть коряс.

5. Кандидатуратнэнь персонально толковамстонть улезэ максозь комсомольской органонтъ состав тешкстазь кандидатуратнэнь отводонъ атак киртя права, лиякс меремс конференциянть эрва делегатось эли промксонтъ участникесь может отводить выдвинутой кандидатуратнэнь эйстэ зяро мелезэ ды выдвинутой эрва кандидатуранть коряс куш зяро делегатт могут кортамс кода сонзэ „кис“ истяжо сонзэ „каршо“.

Выдвинутой кандидатуратнэнь толковамонть лоткавтомадо вопросонть реши конференциясь эли промксось.

6. Комсомолсо кочкамотнэнь пингстэ кочкамонъ ды кочказекс улеманъ правазо ули ВЛКСМ-нь эрва членэнь сонзэ иензэ лангс атак вано. Советательной вайгельень праваст улить ВЛКСМ-нь членкс ансяк кандидаттнэнь.

7. Сетне кандидатуратнэнь толковамо мейле, конатнэнь каршо ульнесть отводт, эряви башка эрва случайсэнь, открытой голосованиясо, решамс те кандидатуранть спискас сермадомонзо эли а сермадомонзо вопросонть, конанъ (списканть) конференциясь эли промксось тейни комсомольской органтнэс закрытой (тайной) голосованиясо кочкамотнэнь ютавтоманть туртов. Тень пингстэ эрявить ловомс кода отводонъ кис, истя жо отводонъ каршо весе вайгельтнэнь. Кандидатурась, конанъ каршо отвод арась, спискас сермадови голосованиявтомо.

Комсомольской промксонтъ эли конференциясонть открытой голосованиясо кочкавить специальной ловицят вайгельтнэнь ловоманть туртов.

Закрытой (тайной) голосованиянть туртов спискатнесэ иляст уле кодаткак тешксневкст эли вадневкст ды улест нумерациявтомо.

8. Комсомольской органтнэс ды конференцияв делегаттнэнь кочкамотнэнь ютавтомдонть икеле конференциясь эли промксось открытой голосованиясо кочки закрытой (тайной) голосованиянть результаттнэнь ловоманть кис счетной комиссия истянь ломанстэ, зяро аравты промксось эли конференциясь.

Кочкамотонть икеле счетной комиссиянть председателесь промксонтъ участниктнэненъ, конференциянть делегаттнэненъ должен ловномс ВЛКСМ-нь ЦК-нтъ те инструкциянть закрытой (тайной) кочкамотнэнь ютавтомдонть.

Счетной комиссиянть закрытой (тайной) голосованиядонть икеле эряви анокстамс кочкамонъ ящикт, проверямс сынст ды опечатать эли пекстамс панжомасо.

9. Комсомольской органтнэнь кочкамото закрытой (тайной) голосованиянть эряви ютавтомс комсомольской пек-

стазь промксось эли ВЛКСМ-нь конференциянть пекстазь заседаниясо.

Те промксонтэнь эли конференциянть заседаниянтенъ а нолдавить ВЛКСМ-нь членкс кандидаттнэ ды советательной вайгель марто делегаттнэ.

10. Решающей вайгель марто эрва делегатось эли промксонтъ участникесь получи кандидатуратнэнь списканть вейке экземпляр (кона улезэ печатазь эли кедьсэ парсте, ваньксотэ сермадозь), конат (кандидатуратне) тешкстазь комсомольской промксонтъ эли конференциясонть комсомольской органс. Делегатонть мандатс эли комсомолонъ промксонтэнь эли конференциянтенъ сазь ВЛКСМ-нь члентнэнь мандатс теёмс тешкставкст седе, што промксонтъ участникесь эли конференциянть делегатось примась участия голосованиясонть.

Счетной комиссиянтенъ эряви ваномс сень мельга, штобу кандидатуратнэнь списканть экземпляртнэде улельть явшезь истянь зяро жо, зяро кармить улеме голосованиясонть участиянъ примамо.

11. Промксонъ эрва участникэнь эли конференциянъ делегатонть ули правазо кандидаттнэнь спискастонть закрытой (тайной) голосованиянть пингстэ черкстамс кандидатурат эли сермадомс комсомольской органонтъ составс зяро мелезэ од кандидатурат кода сетнэнь эйстэ, конатнэнь толковинзе промксось эли конференциясь, истя жо комсомолонъ эрва членэнь кандидатуранзо.

Закрытой (тайной) голосованиянть туртов спискатне улест тешкстневкстэме ды нумерациявтомо ды голосующеентэнь а эряви эйзэст сермадомс фамилиянзо.

12. Голосованиядонть мейле счетной комиссиясь яволявты перерыв ды тешкстасы те перерывентъ щканзо, панжсынзе избирательной ящиктнэнь ды, се зданиястонть атак лице, косо моли промксось эли конференциясь, ловсынзе голосованиянть результатнэнь башка комсомольской органтнэнь члентнэнь коряс ды башка комсомольской органтнэнь членкс кандидаттнэнь коряс, истя жо делегаттнэнь коряс, конат кочказь конференцияв.

Счетной комиссиянтенъ эрявить ловомс башка эрва кандидатуранть „кис“ ды „каршо“ весе вайгельтнэнь. Вайгельтнэнь ловомадост мейле счетной комиссиясь теи протокол, козонъ сермадсынзе башка эрва кандидатуранть коряс голосованиянть результаттнэнь, ды комиссиянть весе члентнэ подписывают те протоколонтъ.

Помещениясонть, косо ютавови вайгельтнэнь ловомась, киньгак арась правазо улемс, счетной комиссиянть члентнэде башка.

125 (Пезэ 2-це страницасо)





Парижсэ всемирной выставк-касонть советской экспонатнэ.

СНИМКАСОНТЬ: В. И. Ленинэнь скульптуразо (теизе Меркуров скульпторось).

Союзфото.

## КЛУБОСЬ УЧИ ВИТНЕМА

Атяшевэнь район. Ташто Жабина велесэ панжозель од клуб, конань заведующейкс аравтозь Бабикова ялгась. Клубонть понжомодо мейле ютасть уш 5 ковт, но работа кодамоак арась.

Клубсонть те шкас арась газетат, шашкат ды кодамоак музыкальной инструменткак. Ды клубоськак уш а маштовиксэкс теевсь. Вальматне тапсезь, крыльцяс калавтозь, эземтне истя жо яжазь.

Вельсоветэсь теде соды, но а мелявты севь кис, штобу витемс клубонть ды штобу тосо кармаволь улеме алкуксонь работа.

Н. Г.

## Сермань кандтлиця

Зярдья уш Турдак велесэ сермань кандтлицякс роботы Сергеев. Сонензэ ней 60 иеть. Тень лангс апак вано, сон райосонть сермань примерной кандтлиця. Эрьва чистэнь велентень сакшныть ламо газетат, сермат ды лият. Сергеев ялгась весе сынст пачтнесынзе шкастонзо. Роботамонзо весе шканть перть сон эзь емавтокшно вейкеяк серма, вейкеяк газета.

Н. С.

Дубенкань район.

## Кочкуровань районсо антирелигиозной работа арась

Кочкуровань районсо трудяцятне весе велетнева пекстнезь церкватнень. Сабаевасо церкватонть тейсть вельсовет, парткабинет, клуб ды библиотека. Истя жо Кацялайсэ, Ташто Мурзасо, Воеводскойсэ ды лия велетнесэяк пекстнизь церкватнень ды тейнестэ эйстэст культурной учрежденият, хозяйственной постройкат.

Тень лангс ванозь районсонть кой-конат коммунистнень, комсомолецтнень ды седеяк пек СБВ-нь райсовэтэнь, сонзэ председателент Беловонь появаст вредной арсемат.

Сынь арсить: „Бути арась церкват, арась попт, то велетнесэ а кинень ветямс религиозной работа ды а мейле ветямс антирелигиозной пропагандантькак“.

Неть вредной арсематне пачтит сезэнь, што антирелигиозной пропагандась районсонть ладязь допрок лавшосто. Велева, колхозга, школава СБВ-нь ячекат апак организова.

Ламонь таркава поптне, манашкатне, бабтистне ветить антисоветской агитация. Сынэ эсист анти-советской роботаст ветить отсталой населенианть ютксо.

Вана Сабаевасо кой-кона колхозниктне якить Марьяновка велень церкват (Березникень район) модань служавтомо. Апрель ковстонть Дзержинской лемсэ колхозов сакшность проходимец Куслин, конась эсь прынзо ловизе попокс. Сон салава пурнась колхозникат ды тейнесь обеднят, лемдась эйкакшт. Весе те ульнесь те-езь церкватомо, кудосо. Обеднянь служамга сайнесь 10-нь целковойть, лемдамга—8. Те колхоз-

сонть ули комсомолонь организация ды комсомолецт—учительт Севонькаев ды Косолапов, но сын те „попонт“ тевензэ лангс эзизь тарга.

1936-це иень декабрынь ковсто Кацялай ды Сур велетнес сакшность проходимиц-поп, конась ламо кудос моравтнись „молитват“ Сталинской Конституциядонть, лемдсь эйкакшт, служась обеднят. Истя ютыця „агитаторт“ велетнева появакшныть сеедысь.

Те весе секс, што партийной ды комсомольской организациятне лавшомтызь антирелигиозной роботанть, эзизь келейгавто сонзэ, кой-кона таркава жо овси арась антирелигиозной работа. Антирелигиозной литературадо а мейле кортамска. Районсонть костояк а муят. КОГИ-зэнь магазинтнесэ зярдояк а эри антирелигиозной литература.

„Безбожник“ журналось райононть сакшны ансяк 6 экземплярт.

Эряви допрок чаркодемс, што антирелигиозной роботась аволь очередной кампания. Комсомолонь организациятненень эряви алкукс кундамс антирелигиозной роботанть, цидярдозь евтнемс од ломантненень религиозной предрассудкатнень ды суевериятнень зыянов чист.

Комсомолонь организациятне должны тевс ютавомс эсист программанть, косо евтась: „ВЛКСМ-сь цидярдозь евтни од ломантненень суевериятнень ды религиозной предрассудкатнень зыяност. Тень кис организови специальной кружокт ды лекцият артирелигиозной пропаганданть коряс“.

П. Чигай.

## „Мон тезэнь сакшнынь“...

Пермизь велесэ Калинин лемсэ колхозонь председателесь Ильяев колхозниктнень апак кевкстне, сонсь эсинзэ мелензэ коряс тейсь истямо тев: колхозсонть роботань качестваень проверям аравтызе Лобаревонь. Ды мейле как а тейнэмань кис Лобаревнень эрьва чистэ пандыть 1,75 роботамо-чить.

Мейле жо алкукскак тейнекшни Лобарев? Моли ведьгевев. Эряви содамс, кода почтнень яжавтыть. Но сон а снартыяк ды а содыяк кода проверямс, парсте ли аравтозь роботась, Лобарев седе вад-рякс лови саемс седе кувака рияга, яксемс селтонть чирева ды онкстнемс, косо зяронь сэрсьсэ ведесь... Мейле моли мельникентень, тарги зепстэнзэ табель ды мери:

„Вава тезэнь тешкстак, што мон сакшнынь тенк“.

Лобарев сех сеедысь якси кузницяв. Мейле тосо тейнить, кода роботыть,—те Лобаревнень а эряви. Сон мелявты ансяк „тешкставксонть“ кис. Таго таргасы коневнэнзэ, тарги карандаш ды мери: „Сакшнынь тезэнь“... Ды тосто, истя жо, кода лиястояк, тукшны калонь кундамо. Шутя мейле ухадо яраскшны! Кой-косо жо муи „приятельдо“ ды кармить эрьва межде лабортомо. Мекс сонензэ а човсемс келензэ, коли мелявкст кодаткак тензэ арась, ды кода а кода—тензэ тешкстыть 1,75 роботамо-чить.

В. Мокшалева.



Московсо изобразительной искусстватнень Пушкин лемсэ Государственной музейсэнть Панжовсь Московской скульптортнень роботаст выставка.

СНИМКАСОНТЬ: И. В. Сталинэнь бюстозо (теизе Б. И. Яковлев).

Союзфото.

## Вадря эрямонок кис пасиба Сталин ялгантень

Тарасова веленть куншкас аволь умок строязь пятистенной од, парок кудо. Тесэ эри Михаил Иванович Живаев ды сонзэ низэ Анна Ильинична. Сынст касыть 8 эйкакшост. Эйстэст сех покшонтень—Ольганень 12 иеть, сех вишкинентень—Татьянанень 7-це ков. Весемезэ Живаевань семиясонзо 11 ломанть. Работыцятнеде ансяк кавто. Сидикеле семиясь седе вишкинень, яла теке зярдояк сюрось а сатниль, киньгак лангс арасель пар оршамо пель. Чинек-венек, кизэнек-теленек роботыль Живаев, яла теке нужась а витевиль.

Ней жо сон—зажиточной колхозник. Ули эсинзэ скалозо, ведрикшэзо, кавто тулявксэнзэ, 15 саразонзо. Колхозсо роботыть нинзэ марто. Колмо эйкакшонзо тонавтит начальнай ды аволь полной средней школасо. Колмонест отличникт. Кудосо сынест улитть весе условиятне урокост парсте анокстамонть кис, кияк тест а меши. Лездыть вейкест-вейкест туртов. Эрьвась удси башка, эрьванть ули эсинзэ нардамозо. Оржазь сын, кода корты вечкиця аваст, —прясто-пильгс. Ловномо ды сермадомо тонавтыть авасткак. Сонсь Живаев грамотной, ловнокшны книгат ды газетат. Нинстэнь ней карми сакшномо „Крестьянка“ журнал.

Живаевень семиясь умок уш араси рамас патефон, Седеяк, келя, весела карми улеме сонзэ марто.

Анна Ильинична корты: минь эрятане пек парсте. Аволь умок вана государстванть пельде получинек пособия 4 тыщат целковойть. Кодамо покш пасиба евтатано Сталин ялгантень те лездомонть, минек кис мелявтоманть, вадря эрямонть кис.

М. П. Поляев.

Атяшевэнь район.

## Комсомольской органтизнь кочкамоост организовамодонть ВЛКСМ-нь весе организациятненень

(ПЕЗЭ)

13. Счетной комиссиясь вейсэнь промкссонть эли ВЛКСМ-нь конференциянт пленарной заеданиясо евтасынзе голосованиань результатнень башка эрьва кандидатуранть коряс. Комсомольской органтизнь составс кочказекс лововить кандидатуратне, конатне получасть сех ламо вайгельть, но промксонть сазь ВЛКСМ-нь члентнень эли конференциянт делегаттнень, конатнень ули решающей вайгелень праваст, пеледест аволь седе аламо вайгельтнень.

14. Закрытой (тайной) голосованианть весе материалтнень (кандидаттнень спискатнень, сермасо заявлениятнень, вайгельтнень ловоманть, счетной комиссиянт протоколтнень) эрявить ванстомс комсомольской органтизэ секретной документтнень праватнень коряс.

Од ломантнень Весесоюзной Ленинской Коммунистическ й Союзонть Центральной Комитетэсь.



## ПОКШ УСПЕХ МАРТО ЮТАСЬ УЗБЕКСКОЙ ИСКУССТВАНЬ ДЕКАДАСЬ

Московсо покш успех марто ютась узбекской искусствань декада.

Маень 31-це чистэ чокшне Кремлевской Покш Дворецэнь ульнесь прием Московсо Узбекской искусствань декаданть участникнэнь. Приемсонть ульнесь Сталин, Молотов, Каганович, Ворошилов, Калинин, Микоян, Чубарь, Ежов, Антипов, Икрамов, Хрущев, ды Керженцев ялгатне.

Партиянь ды правительстванть пельде декадань участникнэнь евтась приветствия СССР-нь Совнаркомонь председателесь В. М. Молотов ялгась.

Узбекской театральной искусствань кастамонь тевсэ покш заслугатнень кис СССР-нь Союзонь Центральной Исполнительной Комитетэсь путсь каземс Хамза лемсэ Узбекской Академической драматической театранть Ленинэнь орденсэ.

Узбекской Музыкальной Государственной театрась ды Узбекской Государственной филармониясь казезь Трудовой Красной Знамянь орденсэ.

Узбекской музыкальной театрань ды музыкальной ансамблянть организовамо тевсэ успешной роботанть кис СССР-нь Центральной Исполнительной Комитетэсь путсь: каземс Узбекской ССР-нь СНК-нь председателень заместителензэ Абдул Каримович Каримов ялганть Трудовой красной знамянь орденсэ ды Узбекистанонь КП(б)-нь ЦК-нь культпропотделэнь заведующеенть Курбан Берегин ялганть — „Знак Почета“ орденсэ.

Узбекской ССР-нь заслуженной артисткантень Халима Насырованыень максозь ССР-нь народной артисткань лем.

СССР-нь Народной Комиссартнэнь советэсь тейсь путовкс седе, штобу узбекской музыкальной театранть, филармониянь ды искусствань лия организациятнень роботаст туртов седе вадря условиянь темянь кис строямс искусствань роботникест туртов эрямонь кудо, конань питнезэ колмо миллионь целковойть, помещения узбекской филармониянь туртов, конань питнезэ 4 миллионь целковойть, театральной ды художественной училищатнень туртов тонавтнемань помещения общежития марто, конатнень питнезэ колмо миллионь целковойть.



Узбекистанонь народной артисткась Тамара Ханум.

## СОДАСЫТЬ ЛИ ЯЛГАТТ?

Гусев тонавтнесь Саранскоень Пединститутсо. Ульнесь комсомолецкс. Эшо васень курссо студентнэ кортыльть сонзэ эйстэ: „Верьга канды церазь прынзо, истя а лади“.

Сон сеедстэ совсиль деканатс, штобу эсь прынзо невтемс ламонь содыцк, кортниль учительтнень марто. Истя жо тевтеме совсиль дирекцияс, штобу тосоак невтемс эсь прынтэ. Гусевень кармасть содамо аволь ансяк эсь курсонь студентнэ, но весе институтось. Васень курссо Гусев понгсь ударникекс.

Сась омбоце иесь. Гусев озась омбоце курсос. Сон седеяк пек каизе прынзо содавиксэкс. Эсь соланя валонзо коряс сон понгсь преподавателекс. Пединститутонь директорось эсинзэ приказсонзо аравтызе Гусевень васень ды омбоце курстнэсэ, биологической факультетсэ рузонь келень преподавателекс. Сестэ седеяк верьга прынзо кандысь ды лоткась кортнемадо эсинзэ ялганзо мартоак.

Комсомолонь органтинь кочкамо шкасто Гусевень пурнызь факультетэнь комсомольской организациянь бюронь членкс. Сонензэ макссть производственной сектор, косо кодамоак работа эзь ветя, меньшегак тев эзь тес. Сон эрва промкссо лабордсь, што чумось аволь сон, чумо кие бути. Сон эрва чистэ кортнесь ВЛКСМ-нь комитетэнь секретарентень Зубков ялганть: „Кунсолонь, Зубков ялгай, ансяк монь секс, што бюронь члентнэ ютксо роботан ансяк мон. Мик сонсь комсоргось Демидов мекькак а тейни. Кода-

мо кевкстемат ули, кевксть ансяк монь, кемть монень“.

Гусев эсь прынзо верьга кандомасть марто пачкодсь сенень, што кармасть позда сакшномо урокс. Вейке шкасто педпрактикань кувалт лекциянь модемстэ сон совась аудиторияс. Преподавателесь сонзэ кевкстизе: „Тонетъ мезе, Гусев?“ „Баняв якинъ“ — администратор ладсо отвечась ды озась парта эхкс Гусев. Сась апрелень 30-це чись. Ютыть лекциянь остатка частнэ. Совась келень ды литературань факультетэнь деканось — Сумбаев, кона ней таргазь лангс прок народонь враг, ды мерсь преподавателентень, штобу Гусевень нолдавлize сонензэ. Гусев стась монь ваксто, саизе портфелензэ ды тусь. Сынъ деканатсо эрва чистэ столь эхксэ калядыльть.

Седе мейле ютасть кото чить. Сисемеце чистэнь неян январьк: „Течи ули комсомолонь пекстазь промкс. Чинь повесткась: Гусевде“.

Панжовсь промксоькак. Демидов комсоргось мерсь: „Контрреволюционной тевень кисэ Гусевень пекстызь“.

Тедэ мейле монь, сакмем покш мельсь-апаро. Мон кодак а простась эсь прям сень кис, што мон эзия нее ды сода кие те „комсомолецс“, кона монь марто вейке столь эхксэ тонавтнесь кавто иеть.

Варштадо, комсомолецт, эсинк ялганк лангс. Арасть ли истят Гусевть тынк ютксо? Содасынк ли кие ваксонк ялганк?

Саран ош.

Ф. Гурьянов.

## ПАША АНОКСТЫ ТОНАВТНЕМЕ

Маркелова Пашанень топодсть кавксо иеть. Сексия сон карми тонавтнеме школасо. Кода кенярдозь сон учи се шканть. Сон уш кортнесь васень группань учительницанть мартоак, сермадстовтызе лемензэ.

Авазо тензэ рамась карандашт, ручкат, тетрадь ды книгат. Курок ставтовтыть тензэ школав якамс телень одижа. Ламо эрва кодат мелякст Паша тейни аванстэнь.

Сонсь ней секе тев ансяк яла книганзо ванкшны, букватнень тонавты, валт уш склады, конев лангс тейни пэлкинеть, тонавтни лемензэ ды фамилиянзо сермадомо.

Шкась кодовсь эшо ламо. Но сон а марывияк кода юты. Ды Паша ули анок сенень, штобу модемс школав, кармамс тонавтнеме ды тонавтнеме ансяк парсте.

Чамзинка.

И. Симдянов.

## ПИОНЕРТНЭ КАДОЗЬ ВОЖАТОЙТЕМЕ

Дубенкань район. Сайне велесэ лововить 30 пионер. Сынст ютксо арась кодамоак работа. Зярдэ бути тесэ ульнесь вожатойкс И. Леушкин. Оргедсь ли сон тосто, эли комсомолонь райкомось саизе, сон ней роботы Дубенкасо. Сайне велень пионертинь жо те шкас вожатоест арась. Содыть те-

де райкомолонь секретареськак, пионертинь отделень заведующееськак, но сынъ бульчом оймасть сень лангс, што содыть тедэ, эсист тевекс а ловить сень, штобу пионертиненень максомс паровожатой, штобу пионертинь роботавольть.

И. А. Ярославкин.

## КОДА ЭЙКАКШТНЭ КИЗНА КАРМИТЬ ШКАСТ ЮТАВТОМО

Шугурова велень средней школань тонавтниятне эйстэ ламот улить кучозь оймсеме сура леевть чирев. Сех ламотне жо кадовить теск, велес. Месть сынест тейнемс каникулань шкань перть, кода ютавтомс шкаст?

Шугуровань школасонть улить пионерской 5 отрядт. Весе сынъ кармить роботамо кизэнь шканть-как. Дирекциясь пионертинь ды тонавтниятнень туртов сермадстсь газетат ды журналт.

Курок прыдови физкультурной городоконь строямось. Тосо кармить улеме волейбольной площадк, турник, кустимат пикст ды лият. Эйкакштнэ тесэ парсте, инереснойстэ кармить шкаст ютав-

тнеме, оборонной значоктинь норматнень максомо.

Тедэ башка школанть ули опытной эмеж-пирезэ, козонь видеэ эрва кодат эмежт, пионертинь, тонавтниятне кармить сынст мельга якамо.

Школань директорось А. Бояркин рамась противогаст, винтовка, теезь оборонной уголок. Тосо кармить тонавтнеме военной тевенть.

Средней школань тонавтниятне кенярдить, што сынест ули косо интереснойстэ, парсте ютавтомс ютко шкаст ды теке марто оймс-мскас седе вадрясто.

Горбунов.

Березникень район. 126

## Мекс Ковайкинэнь КИРДИТЬ КОМСОРГОКС?

Саранск. Фельдшерско-акушерской школасо тонавтниеть 570 ламанть. Весемест группатнеде 10-нь. Эрва группасонть комсорг, конатне кодамоак воспитательной работа а ветить.

Вана фельдшерской 11-це группасонть комсоргокс роботы Ковайкин комсомолецсэ. Сон аволь ансяк а вети кодамоак работа, но мик прынзо вети берляньстэ.

Сон васняк прын шныця. Бути сонензэ путыть берянь отметкат, то сон вечксы спорямонть преподавательтнень марто. Уроксо сонензэ свал тейнить замечаният сень кис, што сон покорды тейтерть.

Ковайкин истя жо пейди юнкортнэнь лангсо. Но бути тонавтниятне сонзэ кевксызь, кода совамс комсомолонь членкс, то Ковайкин отвечи „тон эшо вишкинъ“. Тонавтниятне а чаркодить мекс комсомолонь комитетэсь Ковайкинэнь кирди комсоргокс?

Юнкор.

— о о о —

## МЕСТЬ ЭНО ТЕЙНЕКШНИ ПИВКИН

Шугурова велень ловнома кудось свал эрси пекстазь. Сакшныть тозонь ламо газетат, журналт, но примамс тесэ сынст а кинень. Избачонть Пивкинэнь киска мортоак а мусак, секс избачось газетатнень микшни кинень понгсь.

Ловнома кудосонть улить радио, патефонт. Сеестэ тов пурнавкшныть од ламанть, колхозникт. Чемениясь панжоматнеак, киньгак тов а нолднить. Ломантне мельс а паросо кортыть: мезень кис жо мекькак а тейница, нузякс Пивкинэнь пандыть ярмакт?

Ламот якасть пеняцямо вельсөветэнь председателентень Аношкинэнь. Сонгак мезеак эзь тее сень кис, штобу ловнома кудосонть улевель работа.

Пивкин избач — комсомолец. Сон аравтозь важной тевень ветямо — ловнома кудосонть культурно-воспитательной роботань ветямо. Но те вельможась мезекска а лови эсинзэ обязанностензэ топавтоманть. Ды месть жо эно сон тейнекшни? Комсомольской организациясь вестькак Пивкин марто эзь кортне седе, штобу сон кармаволь роботамо.

Березникень район.

## КОСОТ ЭРЗЯНЬ КНИГАТНЕ?

Ламо савкшнось марсемс эрва кодат нернемат седе, што эрзянь книгатнень кияк а рамси ды а ловны. Ды истя кортнекшнить аволь кить-как лият, но сынсь книжной магазинсэ роботыцятне. Неть чаво нернематнесэ арась мезеак виде. Ломантнень просто арась мелест эрзянь литературанть пачтыамс ловныцян массатненень. Эрзянь книгатне косяк усксевичь складсо, магазинстэ жо сынст а мусыть.

Дубенкань районной культмагонть эрва чистэ якить ламо колхозникт, тонавтният, од ламанть. Кевкстнить Раптановонь „Чихан пандо ало“ романонть, Кулдуракаевень „Эрмезь“ евксонть, Рогожинэнь „Гале“ поэманть ды ламо лия книгат. Сынест жо отвечакшныть: истят минек арасть. Ды алкукскак, тосто а муат эрзянь кельсэ художественной произведенийт. Неть микшниятне жо мейле нернить: а рамить эрзянь литературанть.

И. А. Ярославкин.



## РАЗОРУЖЕНИЯНЬ КОРЯС КОНФЕРЕН- ЦИЯНЬ БЮРОНТЬ СЕССИЯЗО

ЛИТВИНОВ ЯЛГАНТЬ  
КОРТАМОЗО

Маень 31-це чистянтъ Женевазо (Швейцария) панжовсь разоружениянъ коряс конференциянъ бюронть сессиязо. СССР-нть пельде тосот М. М. Литвинов ялгась ды Римсэ СССР-нь полпредэс Штейн ялгась.

Франциянь представителесь Поль Банкур максьс предложения теёмс международной соглашения военной бюджеттнень гласностедс ды истямо конвенциянтъ топавтоманзо мельга ванноманть туртов комиссиянъ теемадо.

Англиянь представителесь Кренборн кортась Поль Банкуронъ предложениянтъ кис ды бюронть евтасъ Советской Союзонъ ды Германской правительстватнень морской переговортнень состояниядост.


Сессиянтень сась Американъ Соединенной Штаттнень представитель Вильсон.

Нурькине заявления евтасъ Литвинов ялгась. Сон мерсь: полной всеобщей разоружениянъ схеманть, конанъ макснзе Советской правительствасъ, икеле ладсо пек покш значениянзо ловозь, советской правительствасъ анок поддержать седе аволь пек действенной предложениятненьгак, конат молишь секе жо направлениянъ. Те позициянтъ коряс советской правительствасъ, английской правительстванть инициативанзо коряс, ушодсь Англиянтъ марто кортнемат морской соглашениядонть, ко на ней анок уш подписаниянъ кис.

Седе тов Литвинов ялгась мерсь: „1936 иень сентябрь ковстонть мон евтынъ а кемема неень шканъ международной обстановкасонтъ разоружениянтъ коряс кодаткак, куш сех умеренной плантнень тевсэ ютавтомомадост. Событияне, конат ульнесь сентябрядонть мейле, аволь анык эзизь ерто, но мекейлангк, седеяк покшолгавтызь те а кемеманть. Эряви жалямс седе, што сави кортнемс вандынъ чинь вопроствэде сень таркас, штобу васняк толковамс течинъ чинь актуальной вопроствэнь. Течинъ чись жо корты икеле пелень вооружениянтнень аволь вишкалгавтомант, но уликс вооружениянтнень активностъ вишкалгавтомант. Течинъ чись веши, штобу кой-кона правительстватне чаркодевлизь, што вооружениянтнень тевс эрявить ютавтомс анык эсь масторонть ванстоманзо кис, што военной отрядтнень а эрявить кучнемс лия масторов, што военной авиациясь илязо ертне бомбат лия мастортнень лангс, военной флотось аволь сень кисэ ули, штобу бомбардировамс омбо масторонъ гаваньтнень ды оштнень. Вана вопроствэ, конатнень сех икеле эряви решамс. Те, нама а корты седе, што минь отказатано толковамс вандынъ чинь ды вадыде мейлеть чинь международной вопроствэнь“.

Литвинов ялгась яволявтьс, што сон а снартни модемс сеть предложениянтнень толковамонть ды примамонть каршо, конатнень теинзе Поль Банкур.

(ТАСС.)



„Дуглас“ ливтиция венчсэнтъ Советской Союзонъ героентъ С. А. Леваневскоень Ленинград Севастополь апа лотксэ ливтимонть СНИМКАСОНТЬ: „Дуглас“ самолетось рейдсэ.

## ИСПАНСКОЙ ПРАВИТЕЛЬСТВАНТЬ ВОЗЗВАНИЯЗО

Испанской правительствасъ теишь испанской народонть ды весе мирэнтъ народтнень воззвания, конаньсэ ланго тарги германской фашизманть преступлениязо, конатнень сон теинзе республиканской Испаниянтъ каршо.

Воззваниясонтъ мерезь, што Германиянъ ды Италиянъ правительстватне теишь испанской народонть каршо враждебной зярия тевть, конат пачкодсть высшей точкас Альмерия ошонть преступной бомбардировкасонзо. Сеть правилатнень коряс, конатнень теинзе невмешательстванъ коряс Лондонской комитетэс, контролень ветица суднатненень эряви улемс аволь Испаниянтъ территориянъ ведьтнесь. Германской кораблянтне Балеарской побережиясонтъ эсть топавто контролентъ кодаткак функциянтъ ды яла теке „Дейчланд“ броненосецэс ульнесь якорсьс Ивиса портсонть, косто сон германской лия суднатнень марто войсэ радио ды сиг-

нализация вельде пачтниль кулят мятежниктнень суднатненень, конат кайсевкшниль республиканской Испаниянтъ островтнень ды суднатнень лангс.

Воззваниясонтъ мерезь, што „Дейчланд“ броненосецэнтъ марто инцидентэнтъ ушолызе сонсь броненосецэс, сон леднесь республиканской самолеттнень лангс.

Германской правительствасъ, корты воззваниясь, кеместэ вешни тувталт, штобу сех наглоистэ эцемс Испаниянтъ территория лангс.

Воззваниясь прядови истят валтнэс: „Цивилизованной мирэс не может нолдамс теевеме насилиянъ истямо актонть... Весе мас-тортнэ, конат бажить мирс, весе ломантне, конат бажить а нолдамс теевеме сень, штобу мирэнтъ кирвазевель апа некшнень пожар, эсист вайгелест должны нолдамс Испанской народонть ды сонзэ правительстванть вайгелентень“.

(ТАСС.)

## АРДАТОВАНЬ МОКШЭРЗЯНЬ ПЕДАГОГИЧЕСКОЙ УЧИЛИЩАСЬ

### ЯВОЛЯВТЫ ТОНАВТНИЦЯНЬ ПРИМАМО

1937—38 ТОНАВТНЕМА ИЕНТЕНЬ ВЕСЕ КЛАССТНЭС

Педучилищанть примавить ломанть 15 иестэ 35 иес, конатне прядсть аволь полной средней школа.

Кинь ули мелезэ модемс тонавтнеме педучилищав, сетненень эряви максомс директоронть лемс заявления истят документт марто (подлинниксэ):

- а) свидетельства шачомодо,
- б) свидетельства образованиядо,
- в) лечебной учреждениясто удостоверения седе, што ломанесь а сэреди истят ормасо, конат препятствуют педучилищав тонавтнеме молеманть,
- г) кавто фотокарточкат ды 20 трешникень питне марка (ответнь кучомс).

ЗАЯВЛЕНИЯТНЕ КАРМИТЬ ПРИМАВОМО АВГУСТОНЬ  
21-це ЧИС.

Приемной испытаниятне ушодовить 1937 иень августонь 22-це чистэ 29-це чис, аволь полной средней школанъ программанть коряс.

Испытаниятне кармить улемс рузонъ келень, математиканъ, историянъ, географиянъ ды родной келень (мокшотненень ды эрзятненень) предметтнень коряс.

II ды III класстнэс тонавтнеме молициятне испытаниятнень ютыть соответствующей класстнэнь программанть коряс.

Педучилищанть адресэс: г. Ардагов, МАССР, улица В. лодарского, 97.

Дирекциясь.

## ЯПОНСКОЙ ПРАВИТЕЛЬСТВАНТЬ ОТСТАВКАЗО

Хаясинь правительствасъ тусь отставкас. Японской буржуазиянъ правящей кругтнэс колмо пель марто коновъ перть борожамось таго прядовсь буржуазиянъ пек реакционной пельксэнтъ, кона мельга молись Хаясинь правительствасъ, поражениясо. Японской военщинась ды масторсонтъ реакционной лия кругтнэ нама эсть пота. Сынст туртов правительстванть отставкасо ашти анык эсь виест перегруппировкакс парламентаризманъ меельсь пелькстнень лангс одс эцеманть кис, войнас виевстэ анокстамонъ цельтнень государственной весе аппаратонть приспоблениянъ кис. Маласо читне негтысь, кодат кить кочки военщинась одс эцеманть кис. Истяжо карми невямо неень правительственной кризисэнтъ весе серьезностезь.

Те иень аламо ковтнень перть Япониясо омбоцедэ уш полавтови правительствасъ. Мартонъ меельсь читнестэ ульнесь нолдась парламентнень нижней палатась. Весе те—анык ушо ендонъ признакт, конат невтить масторойть внутренней ды международной положениянъ стака чинзэ. Япониянтъ внутренней ды международной положениянъ самай те стака-чись ульнесь Хаясинь правительстванть отставканъ основной тувталохс. Сонзэ политикась ульнесь сядозь секс, што те политикась берянгавтынзе лия мастор марто, сех пек СССР-нть ды Китаентъ марто, Япониянтъ отношениянзо. Правительствасъ ульнесь сядозь секс-как, што военщинантъ кулсонозь, военной расходтнэс пек покш сумманть кемекстазь, сон Япониянъ финанстнень пачгинзе катастрофической состоянияс. Налогтнень кастомаст ды питнетнень касомаст пек ламолгавтызь забастовкатнень, конат молишь промышленностень весе пелькстнень эйсэ. Японской буржуазиясь тандадсь рабочей движениянъ касомадонть ды лоткась кемеме правительстванть лангс. Буржуазиясь веши примамс срочной мерат забастовкатнень каршо. Сон пели, што масторонть внутренней положениянзо, забастовкатнень ламолгадомаст кандыть ламо зыянт, сех пек сестэ, бути ули война, конанть пропагандирови военщинась, секс, што войнанть пингстэ тылэнтэ состояниязо ашти решающейкс фронтнэс успехень кис.

Японской военщинась, кона аравтызе Хаясинь правительстванть ды меельсь шкас аштесь кисэнзэ, шождынестэ кадызе сонзэ секс, што правительствасъ, военщинантъ койсэ, пек лавшосто ютавтсь парламентэнтъ праванзо киртямонъ реформатнень. Тедэ башка Хаясинь правительствасъ пек аволь популярной ды сонзэ кис седе тов аштемась зыянов военщинантъ сонсинзэ туртов.

(ТАСС.)

## ХРОНИКА

ВКП(б)-нь ЦК-нь икелень членэс Я. Б. Гамарник, кона тапарывсь антисоветской элементтнень марто эсь сюлмавомасонзо ды, нать, лангс ливтемадонть пелезь, маень 31-це чистэ маштызе эсь прынзо.

(ТАСС.)

Отв. редакторось М. ЛЮПАЕВ